



Republic of the Philippines
Department of Education
NATIONAL CAPITAL REGION

Advisory No. 328, s. 2023
August 30, 2023

In compliance with DepEd Order No. 8, s. 2013
This Advisory is issued not for endorsement per DO 28, s. 2001,
but only for the information of DepEd officials,
personnel/staff, as well as the concerned public.
(Visit www.deped.gov.ph)

UP Lipunang Pangkakasaysayan (UP LIKAS) 32nd National Conference

The University of the Philippines Lipunang Pangkasaysayan (U.P. LIKAS) an academic organization of students from the University of the Philippines-Diliman will conduct the above-captioned activity with the theme “Kapulwan: Pamana at Hamon ng Nasyonalismong Pilipino” on October 19-20, 2023 at UP NISMED Auditorium, UP Diliman, Quezon City.

The activity aims to provide wider knowledge and understanding towards the history of nationalism in the country and its present realities. This 2-day conference is open to all high school learners and teachers.

For more information, please email or contact:
Hans Matthew Antiojo
Mobile number: 0917-618 2227
Email: uplikas@gmail.com

Encl.: As stated
Cimd/aet/2023



Misamis St., Bago Bantay, Quezon City

Email Address: ncr@deped.gov.ph
Website: <http://www.depedncr.com.ph>

Doc. Ref. Code	RO-ORD-F001	Rev	00
Effectivity	01.26.23	Page	1 of 2



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Piipinas Diliman, Lungsod Quezon

Ika-32 Pambansang Kumperensiya ng UP Lipunang Pangkasaysayan
Kapulwan: Pamana at Hamon ng Nasyonalismong Pilipino
Oktubre 19-20, 2023 | UP NISMED Auditorium

TENTATIBONG DALOY NG PROGRAMA

UNANG ARAW

Sesyon sa Umaga

7:45 n.u. - 8:30 n.u.

Pagpapatala

8:30 n.u.

Seremonya ng Pagbubukas

Pambansang Awit

Panimulang Mensahe mula sa Dekana ng Kolehiyo

Mensahe mula sa Tagapangulo ng Departamento

Mensahe mula sa Gurong Tagapayo ng UP Lipunang Pangkasaysayan

Mensahe mula sa Panauhing Pandangal

Paglalahad ng Layunin ng Kumperensiya

Pagpapalawig ng Tema

9:20 n.u. - 9:40 n.u.

Merienda/Paghahanda para sa pagsisimula

Susing Pananalita

9:40 n.u. - 10:20 n.u.

Kilusang Pansimbahan sa Kasaysayan at Lipunang Pilipino

10:20 n.u. - 10:35 n.u.

Malayang Talakayan

Panel 1: Mga Pamana ng Nasyonalismong Pilipino ng Dantaon 19

10:35 n.u. - 11:05 n.u.

Pamana ng *GOMBURZA* at Kilusang Sekularisasyon sa Kasalukuyan

11:05 n.u. - 11:35 n.u.

Paghihiraya ng Bayan sa Panulat nila Isabelo de los Reyes at Marcelo H. Del Pilar

11:35 n.u. - 11:55 n.u.

Malayang Talakayan

11:55 n.u. - 12:55 n.t.

Tanghalian

“Tungo sa isang kritikal at mas makabuluhang pag-aaral ng kasaysayan”



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Pilipinas Diliman, Lungsod Quezon

Sesyon sa Hapon

Panel 2: Ang Pamana ng Nasyonalismong Pilipino sa Kultura at Lipunang Pilipino

1:00 n.h. - 1:30 n.h.	Pagkaing Pinoy bilang Lunan ng Kasaysayan at Pagka-Pilipino
1:30 n.h. - 2:00 n.h.	Palakasang Pinoy bilang Lunan ng Kasaysayan at Pagka-Pilipino
2:00 n.h. - 2:30 n.h.	Agham at Kalamidad bilang Lunan ng Kasaysayan at Pagka-Pilipino
2:30 n.h. - 3:00 n.h.	Panitikang Pambata bilang Lunan ng Kasaysayan at Pagka-Pilipino
3:00 n.h. - 3:30 n.h.	Malayang Talakayan
3:30 n.h. - 4:00 n.h.	Pansamantalang Pagsasara ng Kumperensiya

**Ika-32 Pambansang Kumperensiya ng UP Lipunang Pangkasaysayan
Kapulwan: Pamana at Hamon ng Nasyonalismong Pilipino
Oktubre 19-20, 2023 | UP NISMED Auditorium**

TENTATIBONG DALOY NG PROGRAMA

IKALAWANG ARAW

Sesyon sa Umaga

7:45 n.u. - 8:45 n.u.	Pagpapatala
8:30 n.u.	Muling Pagbubukas ng Kumperensiya

Panel 3: Mga Hamon ng Nasyonalismong Pilipino sa Pagbubuo at Paggigiit ng Pagka-Pilipino

8:40 n.u. - 9:10 n.u.	Ang Bagong Pilipina sa ika-21 Siglo
9:10 n.u. - 9:40 n.u.	Ang Kilusang Kabataan sa ika-21 Siglo
9:40 n.u. - 10:00 n.u.	Malayang Talakayan

“Tungo sa isang *kritikal* at *mas makabuluhang* pag-aaral ng *kasaysayan*”



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Piipinas Diliman, Lungsod Quezon

10:00 n.u. - 10:10 n.u.	Merienda
10:10 n.u. - 10:40 n.u.	Mga Hamon ng Marginalisasyon sa mga Katutubo at Muslim sa Kasaysayan at Lipunang Pilipino
10:40 n.u. - 11:10 n.u.	<i>Tsinoy</i> s: Mga Hamon sa Pagbubuo at Paggigiit ng Identidad sa Kasaysayan at Lipunang Pilipino
11:10 n.u. - 11:40 n.u.	Pagsusuri sa mga Alitang “Mainland” at Diyaspora
11:40 n.u. - 12:00 n.t.	Malayang Talakayan
12:00 n.t. - 1:00 n.h.	Tanghalian

Sesyon sa Hapon

Susing Pananalita

1:00 n.h. - 1:40 n.h.	Pamana ng Nasyonalismong Pilipino sa Sining at Pelikula
1:40 n.h. - 2:00 n.h.	Malayang Talakayan

Panel 4: Mga Hamon ng Nasyonalismong Pilipino sa Kontemporaryong Panahon

2:00 n.h. - 2:30 n.h.	Pagsipat ng Nasyonalismong Pilipino sa Kulturang Popular
2:30 n.h. - 3:00 n.h.	Ang <i>Social Media</i> bilang Lunan ng Diskurso ng Nasyonalismong Pilipino
3:00 n.h. - 3:30 n.h.	Pagtuturo ng Nasyonalismong Pilipino sa Batayang Edukasyon: Pagsusuri ng mga Teksbuk
3:30 n.h. - 3:50 n.h.	Malayang Talakayan
3:50 n.h. - 3:55 n.h.	Panapos na Pananalita
3:55 n.h. - 4:00 n.h.	Pagsasara ng Kumperensiya

“Tungo sa isang *kritikal* at *mas makabuluhang* pag-aaral ng *kasaysayan*”



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Piipinas Diliman, Lungsod Quezon

Ika-32 Pambansang Kumperensiya ng UP Lipunang Pangkasaysayan
Kapulwan: Pamana at Hamon ng Nasyonalismong Pilipino
Oktubre 19-20, 2023 | UP NISMED Auditorium

KONSEPTONG PAPEL

Ang UP Lipunang Pangkasaysayan (UP LIKAS) ay isang organisasyong pangkasaysayan ng UP Diliman na nagsusulong ng isang kritikal at mas makabuluhang pag-aaral ng kasaysayan. Isa sa pangunahing aktibidad ng organisasyon ay ang taunang Pambansang Kumperensiya ng mga Mag-aaral ng Kasaysayan, na nilalayong tipunin ang mga historyador at mag-aaral ng kasaysayan sa dalawang-araw na akademikong talakayan at palihan.

Ngayong taon, inihahandog ng UP LIKAS ang ika-32 Pambansang Kumperensiya – ang pagbabalik ng face-to-face na kumperensiya matapos ang tatlong taon, na pinamagatang **Kapulwan: Ang Pamana at Hamon ng Nasyonalismong Pilipino**. Ang *kapulwan* ay salitang Kapampangan para sa kapuluan, at sinasalamin nito ang likas na katangian ng Pilipinas. Kasabay ng paggunita ng ika-125 anibersaryo ng kasarinlang Pilipino, angkop ang tema ng kumperensiya sa pagtatampok ng iba-ibang kasapi ng bayan. Maliban sa mga kilalá nang pangalan sa kasaysayang pambansa, mahalagang ipagdiwang ang samot-saring ambag ng sambayanan sa pagbuo ng Pilipinas sa kasalukuyan. Sa pamamagitan ng larangan ng kasaysayan, katuwang ang mga larangan ng sosyolohiya, antropolohiya, araling Pilipino, at araling pangmadla, pag-uusapan sa kumperensiya ang temang sentral – nasyonalismo – upang makatulong sa pag-unawa ng naratibo ng nasyon sa paglipas ng mga taon. Patitingkarin sa dalawang araw na kumperensiya hindi ang mga karanasan ng mga makapangyarihan, kung hindi ang karanasan ng mga karaniwang tao at ang kanilang lugar bilang mamamayan ng Pilipinas.

Bunga ng tuluyang pagbukás ng unibersidad sa mga gawaing pisikal, isasagawa ang kumperensiya ngayong taon sa UP NISMED Auditorium, UP Diliman sa ika-19 at 20 ng Oktubre 2023. Sa dalawang araw na Pambansang Kumperensiya, mapakikinggan ang pananaliksik ng mga tagapagsalita hinggil sa pagbuo at pagpapatibay ng nasyonalismo sa kasaysayan ng bayan. Hahatiin sa dalawa ang bawat sesyon kada araw: pang-umaga at panghapon.

“Tungo sa isang *kritikal* at *mas makabuluhang* pag-aaral ng *kasaysayan*”



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Piipinas Diliman, Lungsod Quezon

Maraming paksa ang pag-uusapan sa dalawang araw. Sa unang araw pagtutuunan ang natatanging pamana at diskurso ng nasyonalismong Pilipino sa kasaysayan at lipunang Pilipino. Sa umaga ng ika-19 ng Oktubre, tatalakayin ang nasyonalismong Pilipino ng dantaon 19. Madalas ituring ang panahong ito bilang umpisa ng damdaming makabayan sa mga Pilipino, sapagkat sa panahong ito higit na namalayan ng mga tao ang kanilang hangad na magkaisa at makalaya sa kahigpitan ng dayuhang Espanyol. Kaugnay nito, mahalagang mapagtuunan ito sa simula ng kumperensiya. Kabilang sa bahaging ito ang ambag ng mga paring Pilipino sa Kilusang Sekularisasyon (hal. Gomburza), pati ang tungkulin ng mga ilustrado na sina de los Reyes at Del Pilar. Sisikaping mapalitaw sa tagapakinig na bagama't hindi ganoong binibigyang pansin ang mga bayaning ito kumpara sa mga tulad ni Bonifacio o Rizal, nararapat silang alalahanin at gunitain. Sa hapon ng ika-19 ng Oktubre, tatalakayin ang nasyonalismong Pilipino sa aspekto ng pagkain, palakasan, agham, at wika. Pangunahing susuriin kung paano nagiging lunan ng pamana at diskurso ng ating pagka-Pilipino ang mga ito sa paglipas ng panahon.

Sa ikalawang araw ng kumperensiya, unang tututukan ang mga bagong lapit sa pag-aaral ng nasyonalismo mula sa karanasan, ambag, at hamong nararansan ng iba't ibang sektor na madalas isinasantabi sa pag-aaral ng nasyonalismong Pilipino. Una, tatalakayin ang susing papel ng kababaihan sa paggiit ng kanilang karapatan at pagtindig sa harap ng sari-saring banta sa kanilang kalagayan hanggang sa kasalukuyan. Ikalawa, tatalakayin ang nasyonalismo ng mga Pilipinong Tsino na tuluyang namalagi sa kapuluan at tumulong sa pagpapakatatag ng sambayanan. Susuriin ang pagkamit at paggigiit nila ng identidad bilang mga *Tsinoy* sa kapuluan. Ikatlo, pag-uusapan ang nasyonalismong Pilipino mula sa karanasan at hamong nararansan ng mga katutubo at Muslim sa kalupaan. Lilinawin ang pagpupunyagi nila sa kabila ng pagsasantabing nararansan nila, at ipapakita rin ang pananagutan ng iba't ibang rehiyon sa pagtataguyod ng pagkakaisang humihigit sa anumang alitang panrehiyon. Panghuli, inaasahan ding masuri ang mga hamon at tungkulin ng kabataan at diyasporang Pilipino sa kinabukasan at kapakanan ng bayan. Sa panghapong sesyon, susuriin ang nasyonalismong Pilipino mula sa mga pamana at hamon nito sa sining, kulturang popular, pagsibol ng bagong midya, at mga hamon sa pagtuturo nito sa batayang edukasyon sa kontemporaryong panahon.

Sa pamamagitan ng Pambansang Kumperensiya, magtitipon ang mga dalubhasa upang mailahad nila ang kanilang pananaliksik hinggil sa nasyonalismong Pilipino at ang direksyon ng pagtuturo at pag-aaral nito sa dantaon 21. Sa dalawang araw na kumperensiya, titiyakin ang kalidad ng diskusyon sa bawat sandali upang higit na maikintal ang kamalayang pangkasaysayan ng mga delegadong mag-aaral, guro, at mga mamamayan ng kasaysayan. Sa pangkalahatan, nais ng organisasyon na mas mahikayat ang mga imbitado na palakasin ang pag-aaral sa kasaysayan ng nasyonalismo ng bayan, sapagkat isa itong lapit na hindi maitatatawa sa salaysay ng bansang Pilipinas.

“Tungo sa isang kritikal at mas makabuluhang pag-aaral ng kasaysayan”



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Pilipinas Diliman, Lungsod Quezon

PAMUNUAN

Taong Akademiko 2023-2024

KALIHIMAN

DAN GABRIEL A. CASTRO

Tagapangulo

JUDE THOMAS N. CUARTERO

Pangalawang Tagapangulo
para sa Usaping Panloob

HANS MATTHEW U. ANTIOJO

Pangalawang Tagapangulo
para sa Usaping Panlabas

MGA DIREKTOR

ELREY JAN M. PUNAY

Komite ng Dokumentasyon at Aklatan

JOAQUIN MANUEL G. REYES

Komite ng Edukasyon at Pananaliksik

JAPHET PAUL L. FALCUTILA

Komite ng Pananalapi at Lohistika

JOHN IMMANUEL P. ADVINCULA

Komite ng Pangkasapiang Usapin

BENELYN P. FERRER

Komite ng Pamamahayag at Publikasyon

PROP. KERBY C. ALVAREZ, Ph.D

Mga Gurong Tagapayo

EMAIL: uplikas@gmail.com

FACEBOOK: [facebook.com/uplikas/](https://www.facebook.com/uplikas/)

TWITTER: twitter.com/uplikas/

INSTAGRAM: [instagram.com/uplikas](https://www.instagram.com/uplikas/)

WEBSITE: uplikas.wixsite.com/uplikas

CONTACT NUMBER: 0908 737 9829

Greetings!

U.P. Lipunang Pangkasaysayan (U.P. LIKAS), is an academic organization of students in the University of the Philippines- Diliman that promotes a critical and more relevant study of history as well as awareness of Filipino culture and society through different activities.

One of the major endeavors of our organization is the annual National Conference of History Students. Last year, U.P. LIKAS successfully held its conference entitled **Banwa'án: Urbanismo at Kasaysayang Pilipino**. The conference discussed the history of urbanization through the lens of architecture, geography, and urban planning; and discussed issues and policies concerning our public services of transportation, infrastructure, and sanitation.

This year, U.P. LIKAS will be holding its 32nd National Conference entitled **"Kapulwan: Pamana at Hamon ng Nasyonalismong Pilipino"** and will be held on the 19th-20th of October 2023 at the UP NISMED AUDITORIUM, University of the Philippines-Diliman, Quezon City, 8:00 AM - 5:00 PM. The theme of this year's conference is to provide wider knowledge and understanding towards the history of nationalism in the country and its present realities in the 21st century. This 2-day conference will discuss the history of nationalism, from its beginnings to its present, and how different groups in the Philippines viewed and interacted with the evolving nature of Filipino nationalism. We are expecting around three hundred delegates in this year's conference. The registration fee for the 2-day conference is 500 pesos.

In this regard, we humbly invite your office to take part in our activity wherein we aspire to gather over three hundred high school students and social studies teachers all over the country. We would also like to seek support from your office in conducting this activity through the issuance of a **DepEd accreditation** and **regional memorandums**. If possible, we would also like to request, for the benefit of the teachers and students are interested in this conference, that their expenses be placed under the schools' respective training and development fees. With your support, we could achieve our vision of promoting critical thinking in the field of history.

Should you have any inquiries, you may contact the undersigned through e-mail at uplikas@gmail.com and we will gladly discuss these matters with you personally. With your support, we could achieve our vision of promoting critical thinking in the field of history by collaborating with your advocacy.

We look forward to your most affirmative response not later than **September 15, 2023**. Thank you very much.

Sincerely,

Hans Matthew Antiojo
Vice President for External Affairs
09176182227

Dan Gabriel Castro
President
09087379829

Noted by:

Prop. Kerby C. Alvarez, PhD
Faculty Adviser



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Piipinas Diliman, Lungsod Quezon

Ang UP Lipunang Pangkasaysayan (UP LIKAS)

Ang U.P. Lipunang Pangkasaysayan (U.P. LIKAS) ay isang akademikong organisasyon na muling itinatag noong 1988 na nag-aadhikang mapagbuklod ang mga mag-aaral na nagpapakadalubhasa, may hilig at interes sa kasaysayan; mapalawak at mapalaganap ang kaalaman at kamalayang pangkasaysayan; mapaunlad ang disiplina ng kasaysayan; at higit sa lahat, mapaglingkuran ang mga mag-aaral ng pamantasan at sambayanang Pilipino sa pamamagitan ng “isang kritikal at mas makabuluhang pag-aaral ng kasaysayan” at pagpupunyagi para sa panlipunang pagbabago at pagbubuo ng Inang Bayan, bansa at sambayanan.

Nadalumat ng U.P. LIKAS ang mga adhikaing ito sa pagtunton sa sariling kasaysayan nito — kasaysayang hindi nagsisimula noong 1988 lamang kundi nag-uugat sa mga naunang organisasyong pangkasaysayan sa Unibersidad ng Pilipinas (U.P.). Noon pa man, may mga itinatag nang organisasyon ng mga mag-aaral na nagpapakadalubhasa, may hilig at interes sa kasaysayan gaya ng U.P. History Club (1912-Dekada '30); Clio Recognition Society (Dekada '30-'60); U.P. History Club (Dekada '60) at Clio (1970). Naging abala ang mga organisasyong ito sa pagtataguyod ng mga gawaing akademiko na tulad ng lakbay-aral, panggrupong talakayan, lektura-panayam, seminar, simposyum at marami pang iba.

Sa paglaganap ng kamalayang makabayan sa “panahon ng sigwa,” unang itinatag ang U.P. LIKAS noong 1971. Sa pamumuno ni Michael Gonzales, unang Pangulo ng U.P. LIKAS, naging hitik sa pakikilahok ang organisasyon sa mga isyu't usaping panlipunan upang maitaguyod ang panlipunang katwiran at kaunlaran. Subalit nang pairalin ang Batas Militar noong 1972, kabilang ang U.P. LIKAS sa mga ipinagbawal na organisasyong sa U.P. Magkaganito man, bagamat maikling panahon lamang namayagpag ang unang U.P. LIKAS, naging makabuluhan naman ang naging paglahok nito sa samu't saring pagkilos para sa panlipunang pagbabago at pagbubuo.

Noong 1973, nang pinahintulutan na muli ang pagkakaroon ng mga samahan sa U.P. sa kondisyong hindi ito “subersibo,” isa ang U.P. LIKAS sa pinayagang maitatag muli. Isinakatuparan ang pagbubuong muli ng organisasyon sa pamamagitan ng masigasig na kolektibong pamunuan na kinatawan ni Nilo Ocampo. Muling sumabak ang organisasyon sa pagsasagawa ng mga makabuluhang gawain. Sa mga unang taon nito, binigyang-diin ang mga



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Piipinas Diliman, Lungsod Quezon

gawaing akademiko. Naging tunguhin ng organisasyon ang pagaambag sa kaalaman at kamalayang pangkasaysayan. Nagtaguyod ang organisasyon ng iba't ibang talakayan at simposyum. Naglabas din ito ng opisyal na pahayagan na pinangalanang ang Likas. At higit sa lahat, naglathala ito ng natatanging dyornal pangkasaysayan, ang LIKAS, noong Disyembre 1976 na alay kay William Vincent "Billy" Acuña Begg, bayaning Likasyan na "nagbubo ng dugo para sa isang maaliwalas na kasaysayan ng sambayanan."

Sa mga tagumpay na ito, hindi nangahulugang nalimita ang organisasyon sa mga isyu't usaping akademiko. Patuloy ang masigasig na pakikilahok ng organisasyon sa mga pagkilos para sa panlipunang pagbabago at pagbubuo. Itinanghal ang kalayaang akademiko at kapangyarihan ng mag-aaral, kabilang ang U.P. LIKAS sa mga nakipaglaban para maibalik ang University Student Council (USC). Naging masigasig din ang organisasyon sa mga pagkilos laban sa mga mapaniil na patakaran ng pamahalaan sa ilalim ng Batas Militar. Sa muling paglaho ng organisasyon noong 1980 dahil sa kawalan ng kasapiyan at pamunuan, ilan sa mga kasapi nito ang aktibo sa kilusang makabayan at sandatahang pakikibaka. Bagamat mayroon pa ring ilang grupong bumuo ng mga organisasyon ng mga mag-aaral sa kasaysayan tulad ng U.P. History Society (HistSoc) noong 1981-1986, masasabing hindi ito nagkaroon ng malawak at malalim na pananaw pangkasaysayan.

Marahil itinakdang magkaroon ng organisasyong pangkasaysayan ang mga mag-aaral ng U.P. sa panahon ng pag-unlad ng "bagong kasaysayan," kung kaya't noong Ikalawang Semestre ng Akademikong Taon 1987-1988, sa pangunguna nina Myra Angeli Gallardo at Elsie Ramos, muling binuhay ang U.P. LIKAS. Sa pamamagitan ng 14 na katao na nagsilbing lupong ad hoc, itinatag ang U.P. LIKAS sa U.P. Faculty Center 2016. Si Ferdinand Llanes ang hinirang na unang Tagapangulo ng muling itinatag na organisasyon. Inilunsad ang organisasyon noong 13 Enero 1988. Kabilang sa mga unang kasapi sina Daisy Apolonio, Patricia Aquino, Enrico Azicate, Ferdinand Conel, Jose Antonio Custodio, Myra Angeli Gallardo, Ferdinand Llanes, Khadija Rosarita Mamorno, Roberto Mata, Patricia Mercado, Pamela Portugal, Rowena Quinto, Elsie Ramos at Ma. Cecilia Samonte. Naging unang Gurong Tagapayo sina Dante Ambrosio at Nilo Ocampo. Pagkatapos ng paglulunsad, pagpursige na ang organisasyon na "pumusisyon sa hanay ng mga mag-aaral at sa buong pamantasan bilang isang organisasyong may mabisang kakayahan na makibahagi sa pagtatadhana ng kabuuang hugis ng kolektibong pamumuhay at galaw sa pamantasan." Kumilos ito tungo sa ikatataguyod ng dakilang adhikaing



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Piipinas Diliman, Lungsod Quezon

mapaglingkuran ang mga mag-aaral ng pamantasan at sambayanang Pilipino sa diwa ng panlipunang pagbabago at pagbubuo.

Malayo na rin ang narating ng U.P. LIKAS matapos ang humigit na dalawampung taon mula nang muling itatag ito. Naging matapat at matatag ang organisasyon sa mga adhikain nito na makikita sa mga naging gawain nito sa nakalipas na mga taon. Nagdaos ang organisasyon ng mga exhibit, lakbay-aral, pagpapalabas-pelikula, panggrupong talakayan, lekturapanayam, seminar, simposyum at palihan. Nakipagbuklod din ang U.P. LIKAS sa iba't ibang institusyon na gaya ng U.P. Departamento ng Kasaysayan, College of Social Sciences and Philosophy (CSSP) at buong U.P. na makikita sa paglahok ng U.P. LIKAS sa Linggo ng Kasaysayan, Kapistahang Asyano, CSSP Organizations Fair (OrgFair), CSSP Week, Lantern Parade, at Alternative Classroom Learning Experience (ACLE). Maraming kasapi na rin ang naging bahagi ng at nanguna sa University Student Council (USC), CSSP Student Council, at ang opisyal na sulat-balitaang pangmag-aaral ng CSSP na SINAG. Patuloy ring nagiging aktibo ang LIKAS bilang bahagi ng Buklod CSSP, UP Alyansa ng mga Mag-aaral para sa Panlipunang Katwiran at Kaunlaran (ALYANSA); gayundin sa CSSP Academic Circle (AcadCircle). Nakikipag-ugnayan rin ang LIKAS sa mga kapwa organisasyong pangkasaysayan bilang tagapagtatag ng Alyansa ng mga pang-Kasaysayang Organisasyong Pang-mag-aaral sa Pilipinas (ANGKOPP) at kasapi ng Local Historical Committees Network (LHCN).

Nakipagbuklod din ang organisasyon sa iba pang pampamantasan at pambansang institusyon at organisasyon tulad ng U.P. Lupon sa Sentenaryo, U.P. Office for Initiatives in Culture and the Arts (OICA), Asosasyon ng mga Dalubhasa, may Hilig at Interes sa Kasaysayan ng Pilipinas (ADHIKA ng Pilipinas), Bagong Kasaysayan/Bahay-Saliksikan sa Kasaysayan (BAKAS), Kaisahan para sa Kamalayan sa Kasaysayan (KAMALAYSAYAN), National Historical Institute (NHI) at National Commission for Culture and the Arts (NCCA).

Nagtaguyod din ang U.P. LIKAS ng mga gawaing sibiko gaya ng pakikipagtulungan sa Gawad Kalinga at programang "Gib Lab" na naglalayong paligayahin at paglingkuran ang mga kapus-palad lalo na tuwing Kapaskuhan.



UP LIPUNANG PANGKASAYSAYAN

Bulwagang Palma, Kolehiyo ng Agham Panlipunan at Pilosopiya, Unibersidad ng Piipinas Diliman, Lungsod Quezon

Naglathala na rin ang organisasyon ng mga aklat na kinabibilangan ng Paksa, Paraan at Pananaw sa Kasaysayan (1992) na pinamatnugutan nina Ma. Bernadette Abrera at Dedina Lapar at Wika, Panitikan, Sining at Himagsikan (1998) na pinamatnugutan naman nina Atoy Navarro at Raymund Arthur Abejo. Noong Enero 2008, inilathala ang Kaalaman at Pamamaraan sa Pagtuturo ng Kasaysayan na pinamatnugutan nina Atoy Navarro, Alvin Campomanes at John Lee Candelaria. Noong Agosto 2012 naman inilunsad ang Kasaysayang Pampook: Pananaw, Pananaliksik, Pagtuturo na pinamatnugutan nina Atoy Navarro, Ma. Florina Orillos-Juan, Janet Reguindin, at Adonis Elumbre.

Higit sa lahat, nagtaguyod na ang U.P. LIKAS ng mga malawakang pambansang kumperensya na dinaluhan ng mga mag-aaral ng kasaysayan mula sa iba't ibang paaralan, kolehiyo at pamantasan sa iba't ibang panig ng Pilipinas bukod pa sa paglahok ang organisasyon sa samu't saring makabayang pagkilos ng kabataan at sambayanang Pilipino para sa panlipunang pagbabago at pagbubuo ng Inang Bayan, bansa at sambayanan. Tunay na masasabing patuloy na umuunlad ang U.P. LIKAS “tungo sa isang kritikal at mas makabuluhang pag-aaral ng kasaysayan.”